

KRISIS ENDA MBERAT SA MAN BANGKU

Edisi I, No. 13/33
Teks sumber: Krisis Ini Terlalu Berat bagiku
Penulis: Rini Koesdyanto
Penerjemah: Bethesda

Syalom, mejuah-juah man bandu kerina, Sikatakan bujur man Tuhan ibas pengkawalina kita seh paksa enda. Tuhan sinemani bangsa Israel bagepe kita kerina. Tahun 2008 seh asa gundari krisis ekonomi terjadi belang-belang doni enda. Mungkin kam, temandu, keluargandu, tetanggandu pen ngalami si bagenda rupa. Enterem jelma bene matapencarinna. Melala perusahaan-perusahaan ibas doni enda bangkrut ras tutup. Erterem na kalak mesera, melala kalak bayak rempet jadi mesera.

Senina ras turang sini kelangi Tuhan. Kita memang nggeluh ibas doni si banci kerina pedas berubah lalit si pasti. Perbahan kata idoni si la tetap. Tuhan enggo ngatakenca ibas Markus 13:31, "Langit ras doni masap kap pagi, tapi katangku tetap ras lalap." Ayat enda jelas ngataken kai pe banci terjadi, langit ras doni pe masap pagin. Siateh nge kerna si e, tapia di terjadi bencana simbelin, sengget kang kita, janah enterem jelma stres bahkan jadi mehado.

Lit sekalak pernanden sikulayani, perbulangenna stres enggo bagi kalak mehado perlan usahana enggo bangkrut. Seh asa mundari enda lenga bo melala perubahenna perbabanken la ia nggit nadi dibata, tapi ndeherana sekalak si tutus ku Tuhan. Kerina negara Idaho doni enda kena krisis ekonomi. Adi ijinke Tuhan kin kam kena PHK, bangkrut usahandu, ula kam putus arapen. Tuhan tetap sinampati kam ebahan serpang puluh ibas krisis enda nari. I pake dibata kini serranita e guna encidahken kuasaNa, kekelenganNa man banta seh ngasa genduari. Engkai-engkai Perbahan Dibata sisembah e nggeluh kap. Haleluya.

Tuhanta kap punana langit ras doni, sinepa si lalit jadi lit. Nehenlah kudatas langit simeganjan sila tersibari seh ngasa surga si badi a e. La kin si e krina Dibata punana? I se kin kam iadep- adepanNa? Kita me anakNa. Lit kin sekalak Bapa la mperdiateken anak-anakNa? Tentu la lit. Dibata kap bapanta. Tuhan kap permakan situhu-tuhu simereken kegeluhen man anak-anakNa. Endeskenlah krina geluhnda kubas tan Tuhan maka ibabaiNa lata ku lau kegeluhen e. Ametlah ayat enda Yeremia 29:11, "Aku ngenca meteh sura-surangku nandangi kam, e ma gelah kam senang labo gelah cilaka. Rencanangku e me gelah merecen wari si pepagi bagi siarapkendu.

Ibas kejadiin siseh Belinda banci ipelajarindu paksa kam ngenanami krisis, bene mata pencarindu, Lanai ietehndu kai lakokendu, ingetlah maka Dibata labo kem. Ieteh Yesus nge kai siterjadi. Rencanana tetap nge man bandu, ipake Tuhan keadaan sibage rupa guna nguji kam, seri bagi siibahanNa guna nguji bangsa Israel. I uji Dibata kita seh ngasa ja kin kesabaren ras ketutusenta ngikutkan Ia. Entah kin kita ndarami roti entah simereken roti e, kam ngikutken Tuhan alu ukur bulat entah setengah-setengah, entahkin kam si jungut-jungut karawari pakso, entah si ngataken bujur karawari pe.

Adi kerina erdalan alu mehuli, ekonominta ipasu-pasu maka nukahkel kita ngataken bujur man Tuhan, tapi ibas kekurangan beluh denga nge kam ngataken bujur man Tuhan ras tetap tek Tuhan ngkelengi kam? Enterem bangsa Israel Ia seh ku taneh sinijanjiken Tuhan, engkai? Perbahan kalak e setengah-setengah ngikutken Tuhan, pusuhna Ia bersih dem alu perlawanen nandangi Tuhan, kalak e latek Tuhan kap simabai ia. Rusur Tuhan erbahan tanda sengget tapi lalap nge kalak e latek. Kalake lalap mutar-mutar ibas mbal-mbal seh asa mate. Labo ia seh ku taneh perjanjin e. Lain kap Kaleb ras Joshua, kalak enda seh ku taneh siijanjiken Tuhan perbahan ia tek Dibata mbelin kuasaNa ras ia tetap deher ras Tuhan.

Senina ras Turing si kelengi Tuhan, asum job iuji Tuhan ngasup denga ia ngerana man deharana sinuruh ia numpahi Tuhan nina "Si mehuli saja ateta si aloken ibas Tuhan nari man Job. Enca dung pengujine ras Tuhan ngeteh ukuma situhu-tuhu nandangi Tuhan? Mari si oge iba Job 42:12, "Pasu-pasu si ibereken Tuhan nab Job kenca lepas kini seranna e, lebih pe asangken sinai."

Sanga kam Fuji Tuhan paksa kiniseran, sanga ertandu melala, ibas pinakit, ibas pangkat ras ras jabatandu situhuna ate Dibata ngenehen ugakin situhuna pusuh peratenndu. Lit kin Dibata e tuhu-tuhu ibahandu jadi Tuhan siisembahanndu, janah man doana ngenca kam ernalem ras ngikutken Ia alu ukur sidem kekelengen uga pe keadaandu. Adi kin kam lupus bas pengujin e maka iplimbaruina geluhndu bali ras Job ndai. Pasu-pasu Dibata nusur kukam.

Maka aku beluh ngatakenca bagenda man bandu, perbahan aku perneh ngenanami si bage rupa, ifitnah kalak aku, ikataken kalak kerna sila uli nandangi aku, kuendesken kerina isi pusuhku man Tuhan, kai pe siterjadi kam kap ngenca

ibas pusuhku, ningku. Emaka Tuhan nggantiken kerina si la uli e jadi semehuli man bangku.

Sekali nari ibas desempaten enda kukatakan gelahna kam paguh bas kini tekenndu, ula nggit mundur ibas pengarepanndu nari. Tanah perjanjian e enggo pasti lit genduari tergantung kinitekenndu. Situhuna sura-sura Dibata, kerina kam juah-juahen ras dame. Sura-sura sekalak Bapa pasti nge simehuli man anak-anakna eme dame ras mejuah-juah.

Wari enda kesah sibadia simpegegehi kinitekendu gelah kam erdalin bagi sura-sura. Dibata guna kiniulin geluhndu si selama enda enggo murde. Babanlah sipperluna bas geluhndu eme ndarami ras ngikutken pedah Dibata. Ertoto ras sembahlah la alu dem pengatakan bujur. Maka teridah uga kin Tuhan mere kesempatan ras serpang puluh man bandu, pasu-pasuNa pendahindu, ras rumah tanggandu kerina.

Sanga Tuhan ngukum Mesir alu mara ras krisis, bangsa Israel la kena i taneh Gosyen engaki maka bage? Perbahan bangsa Israel e anak-anak Dibata. Bage ka pe kam kerina, kam kap anak-anakNa, lidahndu me pagi tanda sengget ibahan Tuhan, kerina biaya sekolah anak-anakndu, biaya rumah tanggandu ras kerina sini perlukanndu nukah kel akap Dibata ncukupisa. Emaka senina ras Turing sinikelengi Tuhan, gejabjenlah kekelengen Tuhan ibas kiniteken sipaguh.

Tep-tep wari Dibata reh kukam bagi sittersurat ibas Ulangen 8, kubacakan man bandu kerina;

1. Ikutkenalalah aku tulus kerina undang-undang sikubereken sendah man bandu, gelah banci kam nggeluh dengen ertambah-tambah beligandu, janah nginani negeri si ijanjiken Tuhan man nini-ninindu.
2. Inget uga Tuhan Dibatandu mabai kam ibas perdalanan si gedang mentasi gurun pasir empah puluh tahun dekahna ije iberekenNa melala kiniseran guna nguji kam, gelah ietehNa ukurndu, entah iuekendu perentehNa entah lang.
3. I pelepasna kam lihen, emaka iberekenNa manna man panganndu, pangan silanga perneh ipandu ntah ipan nini-ninindu. IlakikenNa e guna ngajar kam, maka labo pangan ngenca sipegeluhken manusiam tapi ibas kerina kai si ikatakan Tuhan.

4. Kidekah empat puluh tahun e uisndu pe la merigat ras nahendu pe la besar.
5. Ingetlah, maka Tuhan Dibatandu ngajarken ras ngukum kam bali ras sekalak Bapa ngajarken anak-anakna.
6. E maka nggeluhlah rikutken kai si enggo iperentahken Tuhan man bandu: enggeluhlah rikutken undang-undangNa janah mbiar man baNa.
7. Tuhan Dibatandu maba kam ku taneh si mehumur, ija melala ulu lau, lau ras sumbul si ernurak launa i bsa baluren ras uruk-uruk.
8. Taneh si mereken ulih gandum, jelai, buah anggor, buah ara, buah ara, buah delima, saitun ras tengguli.
9. I jah la banci kam kelihen la banci kam kurang kai pei. Batu-batuna isih biji besi, ibas uruk-urukna banci ibuat kam lembaga.
10. Idahatndu kai atendu ipandu. Erkiteken sie ngataken bujur me kam man Tuhan Dibatandu, kerna taneh si mehumur si iberekenNa man bandu.

Gundari ras kita ertoto, endesken pusuh ukurndu man Tuhan.

Bapa simehuli kam mekap, sumbul kegeluhan kami, kam kap punana kegeluhan kami ingetlah janjindu man kami. Petetep min kiniteken senina turangku enda, bereken min gegeh man bana guna mentasi krisis simberat e. Tuhan Yesus udahken min kekelengen ras lias atenDu simbelin. Kam kap Tuhan si labo perneh nadingken kami. Tuduhken min dalin puluh ibas krisis enda nari. Cukupken krina keperluanna. Bujur Bapa pasu-pasuNdu tetap man bana. Ibas gelar Tuhan Yesus ikataken kami mbue bujur man Bandu ras ialoken kami pasu-pasuNdu. Amin

Senina ras turang siikelengi Tuhan, pekekenlah kata Dibata e bas geluhndu ras ingetlah bas perbeben geluhndu pe tetepelah puji Tuhan. Tuhan simasu-masu kita kerina.